



QUÆSTIO MEDICA,  
QUODLIBETARIIS DISPUTATIONIBUS  
MANÉ DISCUTIENDA  
IN SCHOLIS MEDICORUM,

Die Jovis decimâ quartâ Novembris 1709.

M. LUDOVICO DEMONDIERS DUGUÉ,  
DOCTORE MEDICO,  
PRÆSIDE.

*An Dysentericis affectibus sanguinis missio?*

I.



ATUR A paucis contenta, longè plura expetit corpus humanum, quàm quæ ipsi sint satis: hinc tanta fit supervacancorum evacuatio, ut si sanctorio fides, sex decies uberius per insensiles cutis meatus fiat decessio, quàm per alias qualvis patentias; quæ tamen sat magnam excrementorum fundunt copiam: excretio quælibet præviam supponit Secretionem; hinc haud ineptè quispiam dixerit, œconomiam naturalem ferè totam in

secernendo positam. quamvis natura longè plura excernat quam retineat, atque ab excrementorum proventu utcunque prohibito morborum enascatur ilias; non minùs tamen in genus humanum sævit fluidorum, quæ corpus alluunt, immodica seu intempestiva excretio; ut enim partes solidas rore benigno defraudat, cujus defectu contabescunt; sic & sensoria seu motoria instrumenta nativo elatere orbantur. Inter immodicas, quibus contidit corpus, evacuationes, quæque maximam hominum partem è medio tollunt, non infrequens extat alvi fluor: strenuam medici operam expostulans.

## I I.

**F**LUORIS alvi ut variæ sunt differentia, ità dissimilis curatio. Cuius morbo vel etiam symptomati adhibendum remedium. Hoc sanè futurum est irritum, nisi causa tum interna tum externa priùs submoveatur. Cacochymiam eluit purgatio, plethoræ Phlebotomia rectius decernitur: si febris adsit, vel inflammatio aut dolor urgeat, Phlebotomiæ locus potior esse debet. Fluxus alvi diversimodè se habet: qualiscunque sit, tribus generibus comprehenditur. Si nihil ab alvo cibus mutatus deji-ciatur *λιεντελα* audit. Si sanguis, multiplicem parit Dysenteriam, nimirum *αιματην* mutilis familiarem, quam hepaticam dicunt loturæ carniū similem dejectionem & intestinale. Hæc nulli parceret ætati, puerili & senili calamitosissima. Quod si frequens adsit & liquida cæterorum humorum dejectio, diarrhæa est. Est & alia in quâ cæteri humores quidem intempestivè excernuntur, verùm sanguine permixti, quàm vulgus Diarrhæam cruentatam vocitat.

## I I I.

**Q**UÆ ab affectâ sede nomen obtinet Dysenteria, omnium molestissima est, ut quæ cæteras doloris vincat acerbitate, nec ullis cedit periculi magnitudine. Nihil est aliud quam *ελκων* intestinorum nunquam expers doloris, & quæ non rarò inflammationem, sæpius febrem inducit. Hæc autem nonnunquam ab externis causis, ut pravis alimentis & acribus pharmacis; sæpius ab internis, ut bile acriori, succo Pancreatico vel salivali acidioribus factis. Utraque contagionis particeps & popularis, maximè vere & Autumno.

**T**AM atrocis mali periculum colligitur ex parte affectâ, ulceris magnitudine, humoris indole, & interdum ab excretis & symptomatis. Ulcus si gracile aliquod intestinum occupet, præsertim jejunum vix coalescit; idem si crassum penitiùs depascatur, ita ut ἐφελκίδες abjiciat, læthale. Ab atrâ itidem bile si ortum ducat, non minùs quàm occultus Cancer, exitiosum. Quoad symptomata longè gravior est Dysenteria, quæ cibi fastidium inducit, quæ bilis vomitum conjunctum habet, quæ cum febre invadit & perseverat, quæ nascitur ab inflammatione præcordiorum, quæ varia promit prodiq; excrementa, quæ demùm sequitur abcessum Mesenterii, quamquàm hæc non prorsus desperanda.

## V.

**Q**UÆCUNQUE sanabilis est dysenteria, si quidem intempestivè supprimatur abcessum facit, ejus curandæ initium sumi debet ab humoris peccantis vacuatione; cui scopo non pauca quidem præstantissima suppetunt remedia qualia sunt Rhabarbarum, Myrobalani citrini, Cassia, Electuarium catholicum, aliaque id genus. Cæteris præstat radix Brasiliensis, quæ longâ annorum serie posthabita, nuperis tandem hæc annis feliciter restituta (hypercacuanham dicunt) securiùs præscribitur præmissâ venæ sectione, imprimis si febris adsit, vel inflammatio, dolorque ingens, & corpus Plethoricum, ut quæ non solum minuat plenitudinem, sed etiam febrem: inflammationem extinguat, dolorem mitiget, bilis impetum reprimat, fluxum denique ipsum cohibeat: eaque sæpiùs magno successu reperenda: quâ præmissâ locus erit commodior purgantibus medicamentis & adstringentibus, Enematis, Episcrasticis, hypnoticis, narcoticis, dolorem sedantibus, balneis contemperantibus, cæterisque medicamentis humoris acrimoniam demulcentibus, tum crebris alimentis, quæ vires instaurando morbo simul adversentur. Celebratâ quippe venæ sectione, sanguis universas corporis partes liberiùs perlustrando, in varia incernicula suas deponit exuvias; hinc priscam balsamicam indolem induens, partibus quas alluit ductilitatem genuinam impertitur, ac fovet: succus biliosus, tum Pancreaticus amicè coeunt. Fermenta ventriculi sui juris facta, ali-

menta debite subigunt, solvunt. Si quod intestinis ulcusculum fuerit inustum, à succo alibili sulphureo cicuratur. Sic tota corporis naturalis œconomia suæ redditur integritati.

*Ergo Dysentericis affectibus sanguinis missio.*

## DOMINI DOCTORES DISPUTATURI.

*M. Jacobus Fournau.*

*M. Ludovicus Demondiers  
Dugé, Præses.*

*M. Dominicus de Favcy.*

*M. Ludovicus Franciscus  
du Tal.*

*M. Raymundus Jacobus Fi-  
not.*

*M. Claudius Guerin.*

*M. Michaël Ludovicus Re-  
neume de la Garanne, è  
Regiâ Scientiarum Acade-  
miâ & Scholarum Profess-  
or.*

*M. Claudius Berger, Medi-  
cus Regis ordinarius, è Re-  
giâ Scientiarum Acade-  
miâ, necnon in horto Regio  
Chymia Professor.*

*M. Ludovicus Morin, Regiâ  
Scientiarum Academia soci-  
us.*

Proponebat Parisiis HYACINTUS THEODORUS BARON  
Parisinus, Baccalaureus Medicus. A. R. S. H. 1709.

---

Typis Viduæ Francisci Muguet, Regis & Facult. Medicinæ Typographi.